

– E pa naštine li phenla, tut te keres phenla, panjeste, les te keres papinjate, znači tu sinjan syglasno me te pijav kavka pani te merav, a tu te oves lesa.

Trainel i rakli.

Xoratingjas večem pe izkazvaniaja o dad lakoro. Bangilo thaj počningjas te piel o pani. Davaj, davaj, davaj, davaj, davaj, piljas, piljas, piljas, večem tamyn i poši, večem resel, i čšaj, ov ka pielas i Xala, e phakenca pras-pras-pras pherel palem o ezeros pani, ov palem piel. Bo-o-o pharilo, o vogi leskoro pharilo thaj mulo ov uhkjol:

– Ačšov te khanilipnasa baba, ame amare lačšipnasa!

Lel les i rakli thaj žan peske. Ko žajba so gele nakhlo pes jekh izvestno vreme patuvinde xari, prežal o balkanja, prezal o veša, resle posle o thagar. Baš o thagar, kovato bičalgjas les, te svyršinel daikha buti. Kato šungjas kaj avel peske, leskoro kalo voiniki e romnjasa, e rakljasada pa dalkha syštonasa e thagareske rakljasa o thagar večem lošali, lošali do takava stepen kaj do nemaj kyde, ošte ko drom bašalnen bičalgjas. Može šel žene, bašalne, muzika resel kaj avel peske blagopolučno o raklo e rakljasa bam-m-m dinjas kola...

– So kergjan be močšo?

– Ake so te kerav, kate bičšalgjan man geljom ama xarička but trudno dikhljom mo uspehi ačuka.

– A me mislingjam kaj muljan, kaj mudarde tut phenla, thaj dalkheske dikhi vreme nana aljan.

– Sar ka avav phenla, kajka dehingjas man, leskiri rakli-phenla. Mangljas te las amen, te praznuvinas, me da phenla, me da dehingjom la. Ovel li čše?

Del o thagar o thagaripe leske. Kavka thagar si zlobno vypreki kaj but dehel e rakles, thaj dikhi but lačiipe kergjas leske. Dikhel e raklja thaj phenel:

– Aide, dikhljom, dikhljom me thagaripnaste katka an me celone rajoneste, an celone dunjas salke krasivo na dikhljom,